

AUGLÝSING

um gjaldskrá Orkustofnunar vegna útgáfu leyfa og eftirlits samkvæmt vatnalögum nr. 15/1923, með síðari breytingum.

1. gr.

Fyrir leyfi sem Orkustofnun veitir á grundvelli vatnalaga nr. 15/1923, með síðari breytingum, skal stofnunin innheimta eftirfarandi gjöld af leyfishafa:

A. Gjald fyrir leyfi til stíflugerðar til vatnsmiðlunar, sbr. 68. gr.	78.624 kr.
B. Gjald fyrir leyfi til breytinga á vatnsfarvegi, sbr. 75. gr.	56.160 kr.
C. Gjald fyrir leyfi til niðurlagningar mannvirkis, sbr. 79. gr.	56.160 kr.
D. Gjald fyrir leyfi til umfangsmeiri rannsókna, sbr. 153. gr.	44.928 kr.

2. gr.

Fyrir eftirlit sem Orkustofnun sinnir á grundvelli vatnalaga nr. 15/1923, með síðari breytingum, skal stofnunin innheimta eftirfarandi gjöld af þeim aðila sem eftirlitið beinist að:

A. Eftirlit samkvæmt 68. gr.	Vinna sérfræðings á klst.	11.232 kr.
B. Eftirlit samkvæmt 75. gr.	Vinna sérfræðings á klst.	11.232 kr.
C. Eftirlit samkvæmt 79. gr.	Vinna sérfræðings á klst.	11.232 kr.
D. Eftirlit samkvæmt 153. gr.	Vinna sérfræðings á klst.	11.232 kr.

3. gr.

Orkustofnun er heimilt að innheimta gjald vegna ferðakostnaðar við vettvangsathugun í tengslum við leyfisgjafir og eftirlit, miðað við útlagðan fæðiskostnað svo og fargjöld og/eða aksturskostnað. Akstur á bifreiðum stofnunarinnar eða starfsmanna hennar miðast við taxa ferðakostnaðar-nefndar fjármála- og efnahagsráðuneytisins.

4. gr.

Gjöld samkvæmt gjaldskrá þessari skulu ekki vera hærri en sem nemur kostnaði Orkustofnunar við undirbúning og útgáfu leyfa, og eftirlit samkvæmt vatnalögum nr. 15/1923, með síðari breytingum.

5. gr.

Gjöld samkvæmt gjaldskrá þessari miðast við vísitölu neysluverðs í október 2013 og skulu breytast árlega til samræmis við breytingar á þeirri vísitölu.

6. gr.

Gjaldskrá þessi er sett samkvæmt 146. gr. vatnalaga nr. 15/1923, með síðari breytingum, og öðlast þegar gildi.

Atvinnuvega- og nýsköpunarráðuneytinu, 18. september 2013.

Ragnheiður Elín Árnadóttir
iðnaðar- og viðskiptaráðherra.

Ingvi Már Pálsson.